

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE
Stručna služba Gradskog vijeća
Broj: 01-04-4/23-AP-111
Datum: 23.11.2023. godine



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primijeno: 23-11-2023

Org. jed.	Kl. ozn.	Red. broj	Br. priloga
02	04	2526/23	

Handwritten signature and date:
23.11.2023

GRADONAČELNIK
doc. dr. Hašim Mujanović

PREDMET: Prijedlog Odluke o osnovama i načinu finansiranja parlamentarnih grupa u Gradskom vijeću Zavidovići, dostavlja se.

Na osnovu člana 3. stav (1) tačka e) i člana 7. Zakona o finansiranju političkih stranaka („Službeni glasnik BiH“, broj: 95/12 i 41/16) i člana 10. i 15. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), Stručna služba Gradskog vijeća je pripremila Prijedlog Odluke o osnovama i načinu finansiranja parlamentarnih grupa u Gradskom vijeću Zavidovići, koji Vam u prilogu dopisa dostavljamo.

Na osnovu člana 130. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/2022 i 1/2023), predlažemo da se Prijedlog Odluke o osnovama i načinu finansiranja parlamentarnih grupa u Gradskom vijeću Zavidovići, razmatra po skraćenom postupku.

S poštovanjem.

PRILOG: - Prijedlog Odluke o osnovama i načinu finansiranja parlamentarnih grupa u Gradskom vijeću Zavidovići.
- Odgovor CIK BiH, broj:03-07-6-960-2/23 od 08.09.2023. godine.

DOSTAVLJA SE:

1. Naslovu,
2. U spis.





Broj: 01-04-4/23-AP-110
Datum: 20.11.2023. godine

Na osnovu člana 3. stav (1) tačka e) i člana 7. Zakona o finansiranju političkih stranaka, („Službeni glasnik BiH“, broj: 95/12 i 41/16), člana 10. i 15. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), Gradsko vijeće Zavidovići na __ sjednici održanoj, dana _____ 2023. godine, donijelo je

ODLUKU
o osnovama i načinu finansiranja
parlamentarnih grupa u Gradskom vijeću Zavidovići

Član 1.

(Predmet Odluke)

(1) Ovom Odlukom uređuje se osnove i način finansiranja parlamentarnih grupe u Gradskom vijeću Zavidovići.

(2) Parlamentarne grupe su političke stranke, koalicije i liste neovisnih kandidata koje su na lokalnim izborima ostvarile mandat u Gradskom vijeću Zavidovići.

Član 2.

(Osiguranje sredstava za
finansiranje parlamentarnih grupa)

(1) U Budžetu Grada Zavidovići osiguravaju se sredstva za finansiranje parlamentarnih grupa zastupljenih u Gradskom vijeću, na osnovu planiranih sredstava za tu namjenu za kalendarsku godinu, čiji iznos ne može prelaziti 0,2% Budžeta Grada Zavidovići u kalendarskoj godini.

(2) Sredstva za rad parlamentarnih grupa obezbjeđuju se u Budžetu Grada Zavidovići s pozicije „Tekući transfer parlamentarnim grupama“.

Član 3.

(Raspodjela sredstava za
finansiranje parlamentarnih grupa)

(1) Raspodjela sredstava parlamentarnim grupama, planirana Budžetom Grada Zavidovići, vrši se na način da se:

a) 30% sredstava dijeli jednako svim političkim strankama, odnosno koalicijama političkih stranaka koje su osvojile mandat u Gradskom vijeću Zavidovići,

b) 60% sredstava dijeli prema broju vijećničkih mandata koje svaka politička stranka, koalicija političkih stranaka, odnosno nezavisni kandidat ima u trenutku dodjele mandata,

c) 10% od ukupnog iznosa raspoređuje se parlamentarnim grupama srazmjerno broju vijećničkih mjesta koje pripadaju manje zastupljenom spolu.

(2) Parlamentarne grupe u Gradskom vijeću Zavidovići u skladu sa stavom (1) ovog člana obavezne su dostaviti Stručnoj službi Gradskog vijeća spiskove vijećnika koji čine parlamentarnu grupu u trenutku dodjele mandata i broj transakcijskog računa na koji će se vršiti isplata.

Član 4.

(Namjena sredstava za
finansiranje parlamentarnih grupa)

(1) Sredstva za finansiranje parlamentarnih grupa koriste se isključivo za finansiranje redovnog rada, odnosno stvaranje povoljnih uslova za svoj rad.

Član 5.

(Isplata novčanih sredstava za
finansiranje parlamentarnih grupa)

(1) Isplata novčanih sredstava za finansiranje parlamentarnih grupa vrši se u skladu sa odredbama člana 3. ove Odluke u jednakim mjesečnim iznosima, na osnovu zaključka Gradonačelnika, koji priprema Stručna služba Gradskog vijeća.

(2) Priprema Zaključka o isplata naknade iz stava (1) ovog člana vrši se na osnovu Zahtjeva parlamentarne grupe za isplatu novčanih sredstava koji parlamentarna grupa podnosi Stručnoj službi Gradskog vijeća, najkasnije do 15. u tekućem mjesecu za prethodni mjesec na obrascu ANEKS -A, koji se prilaže uz predmetnu Odluku i čini njezin sastavni dio.

(3) Naknadne promjene u parlamentarnoj grupi, srazmjerno broju vijećničkih mjesta koje pripadaju manje zastupljenom spolu, uzet će se u obzir prilikom preračuna sredstava početkom narednog mjeseca.

(4) Zavisno od raspoloživih sredstava za ove namjene predviđene u budžetu i u skladu sa realizovanim budžetom, Služba za upravu finansija, budžet i trezor vrši isplate na transakcijske račune parlamentarnih grupa.

Član 6.

(Pravdanje sredstava)

(1) Parlamentarne grupe Gradskog vijeća Zavidovići dobivena sredstva mogu da koriste u skladu sa članom 4. ove Odluke, a isti su dužni da Stručnoj službi Gradskog vijeća dostave Izvještaj o utrošku doznačenih sredstava, najkasnije do 15. u tekućem mjesecu za prethodni mjesec, na obrascu ANEKS - B, koji se prilaže uz predmetnu Odluku i čini njezin sastavni dio.

(2) Parlamentarne grupe koje ne dostave Izvještaj o utrošku doznačenih sredstava za prethodni mjesec u skladu sa stavom (1) ovog člana, neće biti doznačena sredstva za naredni mjesec.

Član 7.

(Prestanak važenja)

Stupanjem na snagu ove Odluke prestaje da važi Odluka o kriterijima i načinu finansiranja političkih subjekata zastupljenih u Općinskom vijeću Zavidovići („Službeni glasnik Općine Zavidovići“, broj: 3/14).

Član 8.

(Stupanje na snagu)

Ova Odluka stupa na snagu prvog narednog dana od dana objavljivanja u „Službenom glasniku Grada Zavidovići“, a primjenjivat će se od 01.01.2024. godine.

PREDSJEDAVAJUĆI
GRADSKOG VIJEĆA

Admir Fojnica, prof.

OBRAZLOŽENJE

PRAVNI OSNOV DONOŠENJA ODLUKE

Član 3. stav (1), tačka e) Zakona o finansiranju političkih stranaka („Službeni glasnik BiH“, broj: 95/12, 41/16), glasi:

„Član 3.

(1) Politička stranka može se finansirati iz:“

„e) budžeta BiH u skladu s članom 7. ovog zakona, entitetskih budžeta, kantonalnih budžeta i budžeta Brčko Distrikta BiH, te budžeta jedinice lokalne uprave i samouprave u skladu sa zakonom.“

Član 7. Zakona o finansiranju političkih stranaka, glasi:

„Član 7.

(1) U budžetu institucija Bosne i Hercegovine i međunarodnih obaveza Bosne i Hercegovine (u daljem tekstu: budžet BiH) osiguravaju se sredstva za finansiranje političkih stranaka, odnosno koalicija političkih stranak i nezavisnih kandidata zastupljenih u Parlamentarnoj skupštini Bosne i Hercegovine i parlamentarnih grupa, odnosno klubova poslanika i delegata u Parlamentarnoj skupštini Bosne i Hercegovine.

(2) Ukupna sredstva iz stava (1) ovog člana ne mogu prelaziti iznos od 0,2% budžeta BiH u kalendarskoj godini.

(3) Političkim strankama, odnosno koalicijama političkih stranaka iz stava (1) ovog člana raspodjeljuju se na način da se:

- a) 30% sredstava dijeli jednako svim političkim strankama, odnosno koalicijama političkih stranaka koje su osvojile mandate,
- b) 60% sredstava dijeli prema broju poslaničkih, odnosno delegatskih mandata, koje svaka politička stranka, koalicija političkih stranaka, odnosno nezavisni kandidat ima u trenutku dodjele mandata,
- c) 10% od ukupnog iznosa raspoređuje parlamentarnim grupama srazmjerno broju poslaničkih, odnosno delegatskih mjesta koja pripadaju manje zastupljenom spolu.

(4) Članovi koalicija političkih subjekata za raspodjelu novčanih sredstava, koji je deponovan u Centralnoj izbornoj komisiji BiH, a ako takav sporazum ne postoji, sredstva se raspoređuju između članica koalicije političkih stranaka prema broju dobivenih mandata.

(5) Parlamentarne grupe, odnosno klubovi poslanika i delegata i nezavisni kandidati u Parlamentarnoj skupštini Bosne i Hercegovine učestvuju u raspodjeli sredstava iz stava (3) tačka b) ovog člana prema broju poslaničkih, odnosno delegatskih mandata u domovima Parlamentarne skuštine Bosne i Hercegovine.

(6) Zajednička komisija za administrativne poslove Parlamentarne skupštine BiH će svojim aktima detaljnije regulisati raspodjelu sredstava iz ovog člana, kontrolu trošenja i druga finansijska pitanja u vezi s provođenjem ovog zakona.“

RAZLOZI DONOŠENJA ODLUKE

Na osnovu člana 3. stav (1) tačka e) i člana 7. Zakona o finansiranju političkih stranaka („Službeni glasnik BiH“, broj: 95/12 i 41/16), analognim tumačenjem navedenih odredaba, proizilazi da bi detaljan način raspodjele sredstava iz budžeta Grada Zavidovići, za finansiranje parlamentarnih grupa, trebalo propisati Odlukom Gradskog vijeća Zavidovići.

Radi uporednih pokazatelja i obrazloženja razloga donošenja predmetne Odluke prikazat ćemo raspodjelu sredstava parlamentarnim grupama u Gradskom vijeću Zavidovići, na osnovu Odluka o kriterijima i načinu finansiranja političkih subjekata zastupljenih u Općinskom vijeću Zavidovići („Službeni glasnik Općine Zavidovići“, broj: 3/14), koja je na

snazi i planiranih sredstava u Budžetu Grada Zavidovičića 2023. godinu („Službeni glasnik Grada Zavidovičić“, broj: 8/22 i 11/23).

U Budžetu Grada Zavidovičić za 2023. godinu na poziciji „Tekući transfer parlamentarnim grupama“ planirana su sredstva u iznosu od 69.600,00 KM, prema mogućnostima Budžeta.

Pregled raspodjele sredstava za finansiranje parlamentarnih grupa u budžetskog 2023. godini:

Raspodjela sredstava na poziciji „Tekući transfer parlamentarnim grupama“ stav u iznosu od 69.600,00 KM, na mjesečnom nivo bi iznosio 5.800,00 KM., a isti se raspoređuje:

30% - linearno – 1.740,00 KM;

60% - prema broju vijećnika u trenutku dodjele mandata – 3.480,00 KM;

10% - prema manje zastupljenom spolu – 580,00 KM.

Raspodjela na mjesečnom nivou, bi iznosila:

SDP 7 vijećnika, 30% - 193,79 KM, 60% - 840,00 KM , 10 % - 580,00 KM =	1.323,33 KM
SDA 6 vijećnika, 30% - 193,79 KM, 60% - 720,00 KM , 10 % - 0	= 913,33 KM
NBL 5 vijećnika, 30% - 193,79 KM, 60% - 600,00 KM ,10 % - 0	= 793,33 KM
A-SDA 3 vijećnika, 30% -193,79 KM, 60% - 360,00 KM , 10 % - 0	= 553,33 KM
SBB 2 vijećnika, 30% - 193,33 KM, 60% - 240,00 KM , 10 % - 0	= 433,33 KM
SBIH 2 vijećnika, 30% - 193,33 KM, 60% - 240,00 KM , 10 % - 0	= 433,33 KM
GDS 2 vijećnika, 30% - 193,33 KM, 60% - 240,00 KM , 10 % - 0	= 433,33 KM
PDA 1 vijećnika, 30% - 193,33 KM, 60% - 120,33 KM , 10 % - 0	= 313,33 KM
SP/U 1 vijećnika, 30% - 193,33 KM, 60% - 120,33 KM , 10 % - 0	= 313,33 KM

UKUPNO: 5.800,00 KM

Predloženom Odlukom o osnovama i načinu finansiranja parlamentarnih grupa u Gradskom vijeću Zavidovičić, predlaže se usklađivanje sa članom 7. stav (2) Zakona o finansiranju političkih stranaka na način da se u Budžetu Grada Zavidovičić, planiraju sredstva na poziciji „Tekući transfer parlamentarnim grupama“, čiji iznos ne može prelaziti 0,2% Bžeta Grada Zavidovičić u kalendarskoj godini.

Predmetnom Odlukom su utvrđeni osnovi i način finansiranja parlamentarnih grupa u Gradskom vijeću Zavidovičić.

Parlamentarne grupe su političke stranke, koalicije i liste neovisnih kandidata koje su na lokalnim izborima ostvarile mandat u Gradskom vijeću Zavidovičić.

Na osnovu planiranih sredstava u Nacrtu Budžetu Grada Zavidovičić za 2024. godinu, s pozicije „Transfer parlamentarnim grupama“, koji iznosi 33.404,00 KM, a prema predloženom načinu finansiranja parlamentarnih grupa, raspodjela sredstava na mjesečnom nivo bi iznosila 2.783,66 KM, a isti se raspoređuje:

30% - linearno – 835,10 KM;

60% - prema broju vijećnika u trenutku dodjele mandata – 1.670,20 KM;

10% - prema manje zastupljenom spolu – 278,37 KM.

Raspodjela na mjesečnom nivou, bi iznosio:

SDP 7 vijećnika, 30% - 92,79 KM, 60% - 403,00 KM , 10 % - 278,37 KM =	774,31 KM
SDA 6 vijećnika, 30% - 92, 79 KM, 60% - 345,56 KM , 10 % - 0	= 438,35 KM
NBL 5 vijećnika, 30% - 92,79 KM, 60% - 287,96 KM , 10 % - 0	= 380,75 KM
A-SDA 3 vijećnika, 30% - 92,79 KM, 60% - 172,78 KM , 10 % - 0	= 265,57 KM
SBB 2 vijećnika, 30% - 92,79 KM, 60% - 115,19 KM , 10 % - 0	= 207,97 KM
SBIH 2 vijećnika, 30% - 92,79 KM, 60% - 115,19 KM , 10 % - 0	= 207,97 KM
GDS 2 vijećnika, 30% - 92,79 KM, 60% - 57,59 KM , 10 % - 0	= 207,97 KM
PDA 1 vijećnika, 30% - 92,79 KM, 60% - 115,19 KM , 10 % - 0	= 150,38 KM
SP/U 1 vijećnika, 30% - 92,79 KM, 60% - 115,19 KM , 10 % - 0	= 150,38 KM

UKUPNO: 2.783,66 KM

Isplata parlamentarnim grupama vršila bi se mjesečno na osnovu podnesenog Zahtjeva parlamentarne grupe za isplatu sredstava na propisanom obrascu (ANAKS –A) uz koji se dostavlja i Izvještaj o pravdanju utrošenih budžetskih sredstva od prethodnog mjeseca na propisanom obrascu (ANAKS –B).

Predlaže se Gradskom vijeću Zavidovići da razmatra predmetnu Odluku po skraćenom postupku u skladu sa članom 130. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/2022 i 1/2023) obzirom da ista nije složena i obimna.

OBRAZLOŽENJE POJEDINIH ODREDBI ODLUKE:

Članom 1. Odluke propisuje se način i uslovi raspoređivanje sredstava za finansiranje parlamentarne grupe u Gradskom vijeću Zavidovići, u skladu sa člana 3. stav (1) tačka e) i u skladu sa članom 7. stav (1) Zakona o finansiranju političkih stranaka te definiše pojam parlamentarne grupe, a to su: političke stranke, koalicije i liste neovisnih kandidata koje su na lokalnim izborima ostvarile mandat u Gradskom vijeću Zavidovići.

Član 2. Odluke propisuje se u skladu sa članom 7. stav (2) Zakona o finansiranju političkih stranaka, da se sredstva za ovu namjenu osiguravaju u Budžetu Grada Zavidovići na osnovu planiranih sredstava za tu namjenu za kalendarsku godinu, čiji iznos ne može prelaziti 0,2% Budžeta Grada Zavidovići u kalendarskoj godini. Sredstva se obezbjeđuju u Budžetu Grada Zavidovići na poziciji „Tekući transfer parlamentarnim grupama“.

Član 3. Odluke u skladu sa članom 7. stav (3), (4) i (5) Zakona o finansiranju političkih stranaka, utvrđuje se način raspodjele planiranih sredstava. Stavom (2) predmetnog člana propisana je obaveza parlamentarnim grupama da dostave podatke za raspodjelu sredstava.

Član 4. Odluke propisuje namjenu utroška sredstava za finansiranje redovnog rada.

Član 5. Odluke propisuje tehniku isplate sredstva, pri čemu je priložen tipski obrazac (ANEKS - A) za podnošenje mjesečnog zahtjeva za isplatu tekuće godine.

Član 6. Odluke propisuje obavezu parlamentarnim grupama podnošenja Izvještaja o utrošku sredstava islaćenih iz Budžeta Grada Zavidovići za tekuću godinu sa pozicije sa „Tekućeg transfera za parlamentarne grupe“, pri čemu je priložen tipski obrazac (ANEKS - B) za podnošenje Izvještaja o pravdanju utrošenih budžetskih sredstava od predhodnog mjeseca tekuće godine, a što je u skladu sa članom 7. stav (6) Zakona o finansiranju političkih stranaka.

Član 7. Odluke propisuje prestanak važenja Odluka o kriterijima i načinu finansiranja političkih subjekata zastupljenih u Općinskom vijeću Zavidovići („Službeni glasnik Općine Zavidovići“, broj: 3/14).

Član 8. Odluke propisuje stupanje na snagu i početak primjene predmetne Odluke,

FINANSIJSKI EFEKTI POTREBNI ZA SPROVOĐENJE ODLUKE

Za realizaciju predmetne Odluke potrebno je planirati finansijska sredstva u Budžetu Grada Zavidovići.

Obradio/la:  Samira Pinjić, dipl. pravnik



GRADONAČELNIK
doc. dr. Hašim Mujanović



Podnosilac zahtjeva:

NAZIV podnosioca	
ADRESA	
BROJ I DATUM	

GRAD ZAVIDOVIĆI
STRUČNA SLUŽBA GRADSKOG VIJEĆA

PREDMET: ZAHTJEV ZA ISPLATU SREDSTAVA IZ BUDŽETA GRADA
 ZAVIDOVIĆI SA POZICIJE „TEKUĆI TRANSFER
 PARLAMENTARNIM GRUPAMA“

PODNOŠIMO ZAHTJEV ZA ISPLATU SREDSTAVA IZ BUDŽETA GRADA
 ZAVIDOVIĆI SA POZICIJE „TEKUĆI TRANSFER PARLAMENTARNIM GRUPAMA“ ZA
 MJESEC __. __. 202__ . GODINE U IZNOSU OD _____ KM, NA NAŠ TRANSAKCIJSKI
 RAČUN, BROJ _____.

U PRILOGU DOPISA DOSTAVLJAMO IZVJEŠTAJ O UTROŠKU SREDSTAVA KOJA
 STE NAM ISPLATILI SA POZICIJE „TEKUĆI TRANSFER PARLAMENTARNIM
 GRUPAMA“ ZA PRETHODNI MJESEC _____ 202__ . GODINE, BROJ: _____
 OD _____ 202__ .GODINE, SA PRILOZIMA.

DOSTAVLJENO:

1. Naslovu,
2. U spis.

POTPIS PODNOSIOCA





Podnosilac zahtjeva:

NAZIV podnosioca	
ADRESA	
BROJ I DATUM	

GRAD ZAVIDOVIĆI
STRUČNA SLUŽBA GRADSKOG VIJEĆA

PREDMET: IZVJEŠTAJ O UTROŠKU SREDSTAVA IZ BUDŽETA
 GRADA ZAVIDOVIĆI SA POZICIJE „TEKUĆI TRANSFER
 PARLAMENTARNIM GRUPAMA“

PODNOSE SE IZVJEŠTAJ O UTROŠKU SREDSTAVA, KOJA SREDSTVA STE NAM
 ISPLATILI ZA PRETHODNI MJESEC _____ 202__ GODINE, PO ZAKLJUČKU
 GRADONAČELNIKA BROJ: _____, OD DANA ____ 202__ GODINE, NA
 IZNOS _____ KM., KOJI STE DOZNAČILI NA NAŠ TRANSAKCIJSKI RAČUN
 DANA: _____, SA PRILOZIMA KAKO SLIJEDI:

- | | |
|---|-----------------------|
| 1) RAČUN (sa fiskalnim računom
Broj)
Dokaz o izvršenom plaćanju
(izvod banke/virman), | U IZNOSU OD KM, |
| 2) ISPLATA BRUTO PLATE – (Platni listić,
Sa virmanima o isplati neto plate i
doprinosa), | U IZNOSU OD KM, |
| 3) ISPLATA PO OSNOVU UGOVORA O
DJELU – (Izvide banke / virmani, dokaz o
izvršenoj isplati naknada i doprinosa), | U IZNOSU OD KM, |
| 4) ISPLATE PO OSNOVU DRUGIH
TROŠKOVA ZA KOJE NISU
ISPOSTAVLJENI RAČUNI – (Dokument
po kojem je izvršena isplata i izvod sa banke
/ virman), | U IZNOSU OD KM, |
| 5) POVRATI KREDITA, POZAJMICA,
UGOVOR IZVOD SA BANKE/VIRMAN | U IZNOSU OD KM, |
| 6) DRUGE ISPLATE,
PRENOS NA GLAVNI RAČUN
PARLAMENTARNE GRUPE U
CENTRALU – (Izvod banke / virman) | U IZNOSU OD KM, |
| UKUPNI UTROŠAK |KM. |

NAPOMENE: - ako su isplate vršene iz blagajne dostaviti blagajničku isplatnicu; Ako
 nema izvoda sa banke mora biti blagajnička isplatnica; dokumenti mogu biti fotokopirani;

PRILOG: navesti koji su prilozi

DOSTAVLJENO:

- Naslovu
- U spis.

POTPIS PODNOSIOCA



Broj: 03-07-6-960-2/23
Sarajevo, 08.09.2023. godine

**STRANKA DEMOKRATSKE AKCIJE
OPĆINSKA ORGANIZACIJA ZAVIDOVIĆI
Ulica Dr. Pinkasa Bandta b.b.**

PREDMET: Odgovor, daje se

Dana 06.09.2023. godine Centralnoj izbornoj komisiji Bosne i Hercegovine dostavljen je vaš akt, broj: 16/23 od 05.09.2023. godine u kome tražite da vam se navede na koje se nivoe vlasti odnosi zakonska odredba da sredstva osigurana iz budžeta za finansiranje političkih stranaka ne mogu prelaziti iznos od 0,2% budžeta, a na koje nivoe vlasti se odredba ne odnosi.

U vezi sa vašim pitanjem, obavještavamo Vas o sljedećem:

Političke stranke mogu se finansirati iz budžeta na način kako propisuje član 3. stav (1) tačka e) Zakona o finansiranju političkih stranaka („Službeni glasnik BiH“ broj 95/12 i 41/16), odnosno politička stranka može da obezbijedi sredstva iz budžeta BiH u skladu s članom 7. ovog Zakona, entitetskih budžeta, kantonalnih budžeta i budžeta Brčko distrikta BiH, te budžeta drugih jedinica lokalne uprave i samouprave, u skladu sa zakonom.

U skladu sa odredbom člana 7. stav (1) Zakona o finansiranju političkih stranaka u budžetu institucija Bosne i Hercegovine osiguravaju se sredstva za finansiranje političkih stranaka, odnosno koalicija političkih stranaka i nezavisnih kandidata zastupljenih u Parlamentarnoj skupštini Bosne i Hercegovine i parlamentarnih grupa, odnosno klubova poslanika i delegata u Parlamentarnoj skupštini Bosne i Hercegovine. Ukupna sredstva iz člana 7. stav (1) ovog Zakona ne mogu prelaziti iznos od 0,2% budžeta Bosne i Hercegovine u kalendarskoj godini.

Analognim tumačenjem navedenih odredaba Zakona o finansiranju političkih stranaka, proizilazi da se političke stranke mogu finansirati iz entitetskih budžeta, kantonalnih budžeta i budžeta Brčko distrikta BiH, te budžeta drugih jedinica lokalne uprave i samouprave, u skladu sa njihovim propisima.

S poštovanjem,

Dostaviti:

- Naslovu
- a/a

